



IV GOVERNUN KONSTITUSIONÁL SEKRETARIA ESTADU KONSELLU MINISTRU

KOMUNIKADU IMPRENSA

Sorumutu Estraordinária Konsellu Ministru loron 19 fulan Fevereiru tinan 2011

Konsellu Minstru hala'o sorumutu estraordinária iha Sábadu ne'e, loron 19 fulan Fevereiru tinan 2011, iha Sala Sorumutu Konsellu Ministru nian, iha Palásiu Governu, iha Díli hodi aprova ona:

1. Dekretu-Lei ne'ebé mak kria Ajénsia Dezenvolvimentu Nasionál

Ajénsia Dezenvolvimentu Nasionál iha kompeténsia hodi avalia, ho forma ida ne'ebé rigorosa liu, ba projetu Kapital Dezenvolvimentu, bazeia ba análise kustu-benefísiu nian, monitoriza implementasaun no ezekusaun ba projetu sira liu husi sistema ida ne'ebé sertifika kualidade, hodi kontribui, nune'e, ba rasionalizasaun rekursu finanseiru ne'ebé mak iha no ba dezenvolvimentu nasional no atividade ekonómika, iha nível nasional no iha nível lokal.

Ida ne'e hanesan servisu integradu ida iha administrasaun direta Estadu nian, ne'ebé hetan estrutura orgániku fleksível ida, ne'ebé fasilita, hodi hetan efikásia no seguransa, ba kontratasaun kapital dezenvolvimentu, jestaun no akompañamentu projetu integradu nian iha programa dezenvolvimentu distritál no lokal, no kontrolu ba kustu sira. Nian..

Medida ida ne'e integra ba iniciativa hotu-hotu ne'ebé mak IV Governu Konstitusionál Timor-Leste nian promove tiha ona, hodi estabelese, halo reforma no hametin estrutura organika Administrasaun Pública nian, atu halo iniciativa hirak ne'e tuir duni realidade nasional no fó kapasidade atu kontribui ba promosaun dezenvolvimentu ekonómiku no sosial iha país ne'e ho efikásia no efisiénsia iha nível distritál no lokal

2. Dekretu-Lei ne'ebé regula Fundu ba Infra-estrutura sira

Fundu ida ne'e hodi finansia implementasaun ba infra-estrutura hotu-hotu ne'ebé envolve investimentu boot iha projetu plurianuál sira no ne'ebé mak hatán ba nesesidade Timor-Leste nian.

Fundu ne'e hanesan instrumentu finanseiru ne'ebé própriu liu ba programa no projetu infra-estrutura ba tinan oioin ne'ebé hala'o iha país ida ne'e, hodi permite rekursu sira, bainhira tama ona iha programa, labele hetan tan ona limitasaun ka lakon hodi hatán ba projetu hotu-hotu.

Ho forma ida ne'e, Fundu ba Infra-estrutura bele fó dalan ba Estadu hodi finansia projetu plurianuál sira kona-ba kapitál dezvoltimentu, ho forma ida ne'ebé seguru, transparente no iha responsabilidade.